

司馬文正集

冊

一

圖書文庫

二

司馬溫公集

四清齋

四部備要

集部

上海中華書局據陳刻本

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

司馬文正公集序

溫公文集十四卷儀封張清恪公撫閩時所刊也後爲楚人某載其板至荆之沙市今夏江右書賈載之來澣灣趙省菴明經購獲之剔補其漫漶者復据國史暨蘇氏行狀朱子名臣言行錄輯爲溫公事略列之簡端將摹印以公諸世集首有清恪序序中未詳舊刻原委蘇長公稱公博學無所不通所著文集八十卷他書又二十種茲集所登皆文集之類或全集散佚清恪所得止此抑或擇其精要者重訂授梓將與全帙八十卷並行序云約爲若干卷者蓋由博而約之云爾省菴鏤板訖工屬予言爲序予惟溫公德業聲望炳耀今古奚待末學之表述哉惟念幼時家君錄先正格言訓示內有云劉安國問溫公一言可以終身行之者公曰其誠乎問其所從入曰自不妄語始體志嘗誦自是出入族黨語未敢妄今讀其遺集見公樸摯以事上寬裕以容衆其形諸章奏書劄者肫切詳明閎深透闢極人所難言欲言之隱莫不披肝瀝膽出之惟情之至者其文遂以獨至熙寧之世新法病民忠言蔽塞公不苟利祿退居於洛者

十五載田夫野老皆知爲司馬相公至遮道號呼願公勿去朝廷厚自愛以活我洎起而執政期月之間撥亂反治俾天下驩欣鼓舞若慶更生上下交孚不疾而速此豈倖致哉蓋誠之所積者厚故其感召者神耳乃知公之教安國者皆其素所自立者矣公在政府開言路請詔舉經明行修之士並立十科取士法殫慮旁求廣儲國用可不謂能以人事君者乎惟欲復差役法爲期五日蔡京知開封府獨如約公喜曰使人人奉法如君何不可之有厥後紹聖崇寧間以公爲姦黨使禍延搢紳毒痛黎庶者皆京爲之倡論者病公不知人愚按京知開封非自公用之京首先如約公僅贊其奉法卒未引京以參大政公於京殆亦有權衡矣夫命世英賢不數觀其餘或賢或否要視上者爲轉移有大賢出挈大中至正之模以樹之鵠令懷材抱器者皆得就範圍以自効久之潛移默化不賢者亦從而賢使天假公年久握政柄雖章惇蔡確輩亦當思自新以圖晚蓋矧京姦惡未著惡知不砥礪修飭與范蘇諸君子同保令名以終乃秬政初除哲人其萎匪特爲宋室惜使京等失所則倣僥倖一時遺臭千載是亦

京等之不幸也烏得以京之不幸者爲公病哉是集雖非公全書而盡思偉論
隲括於是省葺復汲汲增葺事狀俾集中條理皆可按節以尋其意匪獨表章
先哲蓋欲使天下之讀其書者知所奮興矣光緒辛巳仲冬射洪後學鍾體志
書於金谿權次

司馬文正公集序

炎宋之代號稱多才而朱晦翁獨謂溫公治國救世處是甚次第晦翁此言其深得溫公也哉夫當熙寧之世新法病民海內騷擾忠言讜論沮抑不行端人正士擯棄下位聚斂之臣日進而民之倒懸者幾二十年矣方是時溫公退居於洛若將終身而田夫野老皆號爲司馬相公至有遮道號呼願公勿去朝廷此豈易符人望者與公起而爲政毅然身任天下開言路進賢才凡新法之爲民害者漸次務去之出斯民於水火之中而登之衽席之上天下驩欣鼓舞有若更生而元祐之治以成識者謂公有旋乾轉坤之力豈不信哉顧嘗論之人臣當屢進屢退之際不無懷疑顧忌之思公歷事四世或在朝或外出而勤勤款款於章奏之間切切惓惓於卿大夫往來之際祇此憂國憂民不避艱險未嘗以中外少異席可卷石可轉金可鑠玉可磨而公之精誠不可奪夫是以卒能悟主救弊補偏以次第而成功也余讀其遺集而竊有感矣夫人生天地間須有此濟世救時反敗爲成大手段庶幾不與草木同腐以公之嘉謨嘉猷昔

有成效君天下者得之可以鑒治亂而隆景運爲人臣者得之可以歷常變而勵匪躬士庶人得之亦可以寡其過而保其身公之被當年者只一時而公之垂萬世者且更無窮也因爲重梓其集約爲若干卷以公於世仰其人景其功慨然而興是所望於尙友之士也夫

康熙四十八年己丑仲夏儀封後學張伯行書於榕城之文光堂

昔更坐而示讀之故以爲難香蘭公育於清獻中其文豈不於時時嘗讀之入
吳審香蘭大器士文出淇月故本火之中而登文游南之士天不與知楚舞官
出豈易替入望香與公政而爲文變然其治天不與言其說蓋本孔孟起文爲
故欲香與公而田夫理亦皆歸爲同焉時公王育龍與香蘭公以去陣共
五十餘年不立榮煥文田日數而月之附錄香幾二十年矣衣長和聖公殿聖
聖賢聖公出時夫當陳寧之世極其微只微內聖聖志言精簡思而不行聖人
矣宋之升極極是十而未報命爵贈聖公皆國卿此聖具甚大矣聖聖公其

參校受業姓氏

陳正朔牧亭

晉江

鄭開子明

莆田

鄭亦鄒居仲

海澄

余祖訓田生

南平

徐恕近齋

臨清

薛士璣仲箕

福清

吳瑞焉象真

福安

史大範子疇

晉江

范士麟衡持

商丘

施松齡青侯

古田

陳羹臣作梅

閩縣

林縉子紳

閩縣

張文炅峴王

侯官

鄒祖頊帝賓

光澤

蔡世遠聞之

漳浦

黎致遠寧先

長江

張福永次脩

南靖

李丹桂月階

晉江

張福昶季長

南靖

方矩夏炳

侯官

陳仁子容

閩縣

翁葉峻維幾

福清

林中桂永繼

閩縣

蔡其默緘三

福清

祝欽宸載參 福清

胡 慥思若 閩縣

楊振綱明憲 古田

陳兆蕃茂衍 晉江

何維嶽禮宗 晉江

劉鴻略渭三 尤溪

蔡衍錕宮聞 漳浦

陳紹廉尙友 羅源

周九華其蓮 晉江

林起渭伊仲 永福

張 煒彤伯 侯官

林正泰章厚 侯官

葉日燦藻卿 閩縣

陳舜任爾光 侯官

陳嘉璧以安 福清

鄭三才廷瓚 侯官

劉北基開周 閩縣

趙 洵又蘇 閩縣

廖鳳翽長傳 侯官

嚴夢兩伯任 長樂

蔡 鏊同溪 漳浦

黃 裳坤五 建寧

卓如松特峙 莆田

李榮芳桂馨 建寧

陳夢林少林 漳浦

林元之又偁 莆田

張如蕙時百海澄

張萬年進玉侯官

蔡徵溫叔玉漳浦

黃衍元度邵武

藍鼎元玉霖漳浦

吳振蛟層三南安

閔一達希上晉江

余祖蔭仲槐南平

蔡鳴珂唐里漳浦

李載詠聲遠晉江

耿繡彝用中太康

連青柳邨建寧

趙孟熿幼和龍溪

汪奇猷嘉仲平和

徐文燦衣雲建陽

吳濂元一福清

李光墀廣卿晉江

李光型儀卿安溪

柳璿荆石壽寧

陳瀾肅雨連江

黃際庭聞莆田

原敬元功撫州

吳光珠亦什福安

張可定維求寧化

郭人麟家瑞福清

林正青洙雲侯官

蔣苞則九福州

張夢芳岐伯順昌

李松齡鱗蒼漳浦

郭元疊慶伯南靖

陳漢廣生閩縣

吳諒朋爾錫惠安

原徵麟天石撫州

周永祈聲永春

陳石鍾非蘊晉江

張朝剛明毅建安

徐章貞南史興化

王天楫君實莆田

司馬溫公事略

公名光字君實其先河內人晉安平獻王孚之後王之裔孫征東大將軍陽始
葬陝州夏縣涑水鄉子孫因家焉自高祖曾祖皆以五代衰亂不仕祖炫知耀
州富平縣事父池充天章閣待制公生七歲凜然如成人七歲聞講左氏春秋
愛之退爲家人講卽了其大指自是手不釋書至不知饑渴寒暑羣兒戲於庭
一兒登甕沒水中衆皆棄去公持石破甕水迸出兒得活其後京洛間畫以爲
圖年十五書無所不通文辭醇深有西漢風登進士年甫冠性不喜華靡聞喜
宴獨不戴花同列語之曰君賜不可違也乃簪一花除奉禮郎以天章公在杭
辭所遷官求簽判蘇州以便養丁內外艱執喪累年毀瘠如禮服除累遷集賢
校理從龐籍辟通判并州麟州窟野河西多良田夏人蠶食其地爲河東患籍
命公按視公建築二堡以制夏人募民耕之耕者衆則糴賤亦可漸紓河東貴
糴遠輸之憂籍從其策而麟將郭恩勇且狂引兵夜渡河不設備沒於敵籍得
罪去公三上書自引咎不報籍歿公升堂拜其妻如母撫其子如昆弟時人賢

之改開封府推官交趾貢異獸謂之麟公言真僞不可知使其真非自至不可爲瑞若僞爲遠夷笑願厚賜其使而還其獸判禮部有司奏六月朔日當食故事食不滿分或京師不見皆表賀公言四方見京師不見此人君爲陰邪所蔽天下皆知而朝廷獨不知其爲災當益甚不當賀詔從之後遂以爲常初至和三年仁宗始不豫國嗣未立天下均寒心而莫敢言惟諫官范鎮首發其議公時爲并州通判聞而繼之上疏言禮大宗無子則小宗爲之後者爲之子也願陛下擇宗室賢者使攝儲貳以待皇嗣之生退居藩服不然則典宿衛尹京邑亦足以繫天下望疏三上一留中二付中書及知諫院入對首言臣昔通判并州所上三章願陛下果斷力行帝沈思久之曰得非欲選宗室爲繼嗣者乎此忠臣之言但人不敢及耳公對曰臣言此自謂必死不意陛下開納帝曰此何害古今皆有之公退未聞命復上疏曰臣向者進說意謂卽行今寂無所聞此必有小人言陛下鼎盛何遽爲此小人無遠慮特欲倉卒之際援立其所厚善者耳定策國老門生天子之禍可勝言哉帝大感悟曰送中書公至中書見韓

琦等曰諸公不及今定議異日禁中夜半出寸紙以某人爲嗣則天下莫敢違琦等皆唯唯曰敢不盡力未幾詔英宗判宗正辭不就明年立爲皇太子又稱疾不入公復上疏言皇子辭不貲之富至於旬月其賢於人遠矣有識聞之足以知陛下之聖能爲天下得人然父召無諾君命召不俟駕願以子臣大義責之宜必入英宗遂受命及卽位以哀毀得疾慈聖光獻后同聽政公疏曰昔章獻明肅太后有保佑先帝之功特以親用外戚小人負謗海內今攝政之際大臣忠厚如王曾清純如張知白剛正如魯宗道賢直如薛奎者當信用之猥鄙如馬季良讒諂如羅崇勛者當疎遠之則天下服帝疾愈公以帝必當追隆所生因奏言漢宣帝爲孝昭後終不追尊衛太子史皇孫光武起布衣得天下自以爲後元帝亦不追尊鉅鹿都尉南頓君此萬世法也王廣淵除直集賢院公言廣淵姦邪不可近昔漢景帝爲太子召上左右飲衛綰獨稱疾不行及卽位待綰有加周世宗鎮澶淵張美爲三司吏掌州之錢谷世宗私有求假美悉力應之及卽位薄其爲人不用今廣淵當仁宗之世私自結於陛下豈忠臣哉願

黜之以厲天下執政建言濮安懿王德盛位隆宜有尊禮詔太常禮院與兩制議翰林學士王珪等相顧不敢先公獨奮筆書曰爲人後者爲之子不敢復顧其私親今日所以崇奉濮安懿王典禮宜一準先朝封贈期親尊屬故事尊爲皇伯高官大爵極其尊榮議成上之與大臣意殊御史呂誨傅堯俞范純仁呂大防趙鼎趙瞻等皆爭之相繼降黜公乞留之不可遂請與俱貶治平二年京師大水詔求直言公上疏論三事皆盡言無所隱諱帝嘉納之神宗卽位擢爲翰林學士公力辭帝曰古之君子或文而不學或學而不文惟董仲舒揚雄兼之卿有文學何辭爲對曰臣不能爲四六帝曰如兩漢制詔可也且卿能舉進士取高第而云不能四六何也竟不獲辭遷御史中丞疏論脩心之要三曰仁曰明曰武論治國之要三曰官人曰信賞曰必罰且言臣獲事三朝皆以此言獻平生力學所得盡在是矣又進五規曰保業惜時遠謀重微務實常患歷代史繁人主不能遍覽遂爲通志八卷以獻英宗悅之命置局祕閣續成其書至是帝重之以爲賢於荀悅漢紀名之曰資治通鑑自爲製序俾日進讀西戎部